



Broj: 05.08-21-36629/26
Sarajevo, 14.08.2026. godine

Na osnovu Odluke o usvajanju programa utroška namjenskih sredstava vodnih naknada za 2026. godinu („Službene novine Kantona Sarajevo” br. 21/26 i 31/26) Ministarstvo komunalne privrede, infrastrukture, prostornog uređenja, građenja i zaštite okoliša, objavljuje:

JAVNI POZIV
za dodjelu sredstava po osnovu prihoda vodnih naknada
za 2026. godinu na području Kantona Sarajevo

I Predmet i svrha Javnog poziva

Predmet Javnog poziva je javno prikupljanje prijava općina za dodjelu sredstava za realizaciju projekata vodne infrastrukture, odnosno za projekte - vodnih objekata za zaštitu voda od zagađivanja i vodnih objekata za vodosnabdjevanje na području općina Kantona Sarajevo u skladu sa tačkom Va Programa utroška namjenskih sredstava vodnih naknada za 2026 godinu u razdjelu 33, ekonomski kod 615100, pozicija „Kapitalni transferi drugim nivoima vlasti i fondovima“ („Službene novine Kantona Sarajevo” br. 21/26 i 31/26, daljem tekstu: Program). Budžetom Kantona Sarajevo za 2026. godinu („Službene novine Kantona Sarajevo“, broj: 52/25) u razdjelu 33, ekonomski kod 615100 pozicija „Kapitalni transferi drugim nivoima vlasti i fondovima“, raspoloživa su sredstva u ukupnom iznosu od 2.594.762,22 KM (dva miliona pet stotina devedeset četiri hiljade sedam stotina šezdeset dvije konvertibilne marke i dvadeset dva feniga).

II Pravo učešća

Pravo na podnošenje prijava imaju općine sa područja Kantona Sarajevo.

III Projekti koji se sufinansiraju

Ministarstvo komunalne privrede, infrastrukture, prostornog uređenja, građenja i zaštite okoliša po Programu sufinansira:

- Izgradnju i/ili rekonstrukcije vodnih objekata od značaja za općine (vodni objekti za zaštitu voda od zagađivanja),
- Izgradnju i/ili rekonstrukciju vodnih objekata od značaja za općine (vodni objekti za vodosnabdjevanje).

Iznos sredstava koji se može odobriti po pojedinačnom projektu iznosi

- minimalno 180.000 KM
- maksimalno 480.000 KM.



IV Opći i posebni uslovi za dostavljanje prijava za korištenje sredstava vodnih naknada i kriteriji za odabir projekata

Opći uslovi poziva

1. Da je projekat koji se kandiduje za sufinansiranje, vodni objekat u skladu sa članom 14. stav 1. tačka 3. alineja 1. i tačka 4. Zakona o vodama ("Službene novine Federacije BiH", broj 70/06);
2. Da je korisnik sredstava obezbijedio projektnu dokumentaciju na nivou glavnog projekta sa ishodovanim odobrenjem za građenje;
3. Da je obezbjeđeno učešće korisnika sredstva u iznosu minimalno 40% od ukupne vrijednosti projekta.

Kriteriji za raspodjelu sredstava (max 100 bodova)

1. Infrastrukturni značaj i prioritetnost projekta (maks. 40 bodova)
2. Obim infrastrukturnih radova i broj korisnika obuhvaćenih projektom (maks. 30 bodova)
3. Vlastito učešće (maks. 10 bodova)
4. Ukupna vrijednost projekta (max 20 bodova)

Za potrebe rangiranja projektnih prijava primjenjuju se sljedeći kriteriji: infrastrukturni značaj i prioritetnost projekta (maks. 40 bodova), pri čemu se vrednuje uticaj projekta na razvoj općine, povezanost sa drugim kapitalnim investicijama, kao i procjena rizika ukoliko se projekat ne implementira; obim infrastrukturnih radova i broj korisnika obuhvaćenih projektom (maks 30 bodova), koji obuhvata dužinu mreže, broj korisnika, pri čemu se prednost daje projektima sa većim obuhvatom i širim uticajem; vlastito učešće (maks. 10 bodova), pri čemu pravo na bodovanje ostvaruju samo projekti koji ispunjavaju minimalni uslov od 40% vlastitog učešća, dok se veći procenat učešća dodatno vrednuje u skladu sa utvrđenim rasponima; ukupna vrijednost projekta (maks. 20 bodova), pri čemu više bodova ostvaruju finansijski i infrastrukturno zahtjevniji projekti.

V Obavezna dokumentacija

Podnosioci prijave iz tačke II. Ovog Javnog poziva trebaju priložiti sljedeću dokumentaciju:

Obrazac za prijavu projekta (preuzeti sa <https://mkipgo.ks.gov.ba/>) je sastavni dio Javnog poziva i obavezno će sadržavati podatke o podnosiocu, naziv projekta, finansijske podatke, cilj projekta, procijenjeni broj stanovnika koji će biti direktno/indirektno priključeno završetkom projekta i ostale bitne podatke i informacije o projektu.

Podnosioci prijava za korištenje sredstava po ovom Programu, uz popunjen obrazac su dužni dostaviti sljedeću dokumentaciju:

- Izjavu da je:
Projekat - vodni objekti za zaštitu voda od zagađivanja ili
Projekat - vodni objekt za vodosnabdijevanje;
- Izjavu o namjenskom trošenju sredstava potpisanu od strane odgovorne osobe;
- Izjavu o visini vlastitog finansijskog učešća u implementaciji projekta potpisanu od strane odgovorne osobe;
- Glavni/Izvedbeni projekat na CD-u (PDF format) i Odobrenje za građenje;
- Izjavu da je korisnik projekta proveo postupak javne nabavke ili da će provesti postupak javne nabavke u skladu Zakonu o javnim nabavkama BiH ("Službeni glasnik Bosne i Hercegovine" broj 39/14, 59/22 i 50/24).



Svi dokumenti koji se predaju uz obrazac prijave projekta kao dokazi o ispunjavanju uslova iz Javnog poziva, moraju biti originali ili ovjerene kopije.
Dokumenti koji se šalju na Javni poziv, ne vraćaju se podnosiocu prijave.
Prijave s nepotpunom dokumentacijom, kao i podnesene nakon roka, neće se razmatrati.

VI Podnošenje prijave na Javni poziv

Prijava za učešće s obaveznom pratećom dokumentacijom dostavlja se na centralni Protokol Kantona Sarajevo ili preporučeno putem pošte na adresu:

Ministarstvo komunalne privrede, infrastrukture, prostornog uređenja, građenja i zaštite okoliša
Kanton Sarajevo
Ul. Reisa Džemaludina Čauševića br.1
71000 Sarajevo

uz naznaku „Javni poziv za dodjelu sredstava po osnovu prihoda vodnih naknada za 2026. godinu na području Kantona Sarajevo“ – Ne otvaraj.

VII Rok za podnošenje prijava na Javni poziv

Rok za podnošenje prijava na Javni poziv je **petnaest (15) dana od dana objave na web stranici Ministarstva.**

VIII Razmatranje prijava i odabir projekata

Razmatranje prijava i odabir kandidovanih projekata koji ispunjavaju uslove iz Javnog poziva, izvršit će Komisija za provođenje postupka dodjele sredstava iz Javnog poziva koju imenuje ministar Ministarstva komunalne privrede, infrastrukture, prostornog uređenja, građenja i zaštite okoliša.

IX Opće informacije

Ovaj Javni poziv biće objavljen na web stranici <https://mkipgo.ks.gov.ba/> u dijelu „Konkursi i Javni pozivi“.

Za dodatne informacije podnosioci prijava mogu se obratiti Ministarstvu najkasnije 5 (pet) dana prije isteka roka za podnošenje prijava i to na e-mail: mkipgo@mkipgo.ks.gov.ba ili telefon: 033/ 56 04 24.



